



17593

kat.komp.

I

Maa. St. Dr.

P

Unikowski Ioan. Lechrymae Galeni ad
augubre Cenotaphium D. Ioan. Innocent.
Petrii.

PANEG. et VITAE

Polon. 4^{to}

Æ. 689.

Biblioteka Jagiellońska



stdr0002311

LACHRYMÆ GALENI,

Ad lugubre Cenotaphium

Clariss: ac Excellentiss: Dñi,

D. IOAN: INNOCENTII
PETRICII,

Medicinæ Doct: & Profess: in Alma
Academia Crac: Historiographi,
Consulis Cracouiensis,

Cum publico mœrore profusa;

ET

A IOANNE VNIKOWSKI, Artium & Philos: Baccalan.

guttatim collectæ.

Anno Dñi, M. DC. XLI. Mense Iunio,

Die 10.

CRACOVIAE,

In Officina Andrea Petricouij, S. R. M. Typogr.



**Timenti Dominum, benè erit in ex-
tremis, & in die defunctionis
sux benedicetur.**

Ecclesiast :

1759 3 I



FVNESTA VOX CIGNI.

CArmine mœsta canit lugubrem præfica lessum,
Mortis inhumanæ iura nefanda notans,
Improba Persephones, quo mens fera, quouè tyrannijs
Exagitat ? Stygias corde furente Deas
Rumperet, vt Lachesis præscisso stamine vitam
Suscitat, & mortem post statâ factâ grauem
Anxia mæstificos in luctus ora resoluit:
Orbe tuum vasto mors furit vsque scelus,
Mortis acerba quies Galenum torquet ad vsq;
Hippocratis, quod ei nescit obesse schola.
Pro patriâ semper superest occumbere pulchrum
Tollere, sed magnum summanè fama Virum ?
Ah dolor ! INNOCVVM rapuisti mors fera, Craci
Urbe Senatorem, non sine laude Virum,
Tegmine pullatam lugubri Sapho per urnam
Heu lachrymet, plectat triste Cinirra melos:
Sistere Musa nequit Threnos renouando gementes,
Me quoque Galeno flente filere nequit.
Planctibus ora tument, fauces singultibus halant,
Percutiunt auram voce gementeleuem:
Flebilis adspirando gemit quoque planctibus Echo,
Occidit heu felix ! Occidit heuque pius !

Delicium suada, lingua decus, occidit, cheu,

PETRICIVS, *Medica Doct̃or, Amorq̃ Schola.*
Sarmatico laudem geminat noua gloria coelo

Hostica signa, manum vincere, siue mori.
Dulcia Bellonæ Patronum fata cruentè

Eripiunt oculis semper in Orbe pijs.
Partica namque viros lethali spicula ferro

Conficiunt belli, contumulantque solo,
Hinc animi virtus, horum generosa potentis

Viuit in heroum condita corde Virum.
Si toga, siue sagum, meritos conuestiat artus,

Perpetuâ viuit laude perennis honos.

Sustulit hem quantam, multorum spemque decusque,
Subsidium Patriæ, Craciadumque simul,

Arte Dioscoridem, scripto plaudente Plutarchum,
Mente Senatorem, tum ratione Sophum,

Insolito fundunt iuste suspiria luctu

Iudicij solium, Consilijque locus.

Nec proprios, Coniunx lectissima, siccât ocellos,
In Viduâ nati collachrymantque domo:

Flent confanguinei, vicini, flentq; propinqui,

Et Dominum seruus sat dolet ordo suum.

Delicium suada, lingua decus, occidit, cheu,

PETRICIVS, *Medica Doct̃or, Amorq̃ Schola.*

Proh dolor! immanem lethi, quem nouimus, astum,
Quo vitare lubet numine, quouè modo?

Callidus eludat, quamuis veterator, eundem.

Quidquid & Atlantis scit Vaser arte nepos,

Fecerit

Fecerit idque semel, vitas si mille teneret
 Otyus, hunc raperet mortis auara manus.
 Non sic incertos, reor, induit aura colores,
 Mobilis aura suum, cum per inane volat?
 Quam fera mors fractum monstrat mentita vigorem,
 Magnanimos crebro demetit Ense Duces.
 Naufragus Oceani falsis periturus in vndis,
 Spem locat æquoreo posse natare modo,
 Præcipitem rupis sublimia per iuga tractum
 Caprea, mente notans quo reditura cauet.
 Busta querimonijs conspersa gementibus vdos
 Sarcophagi coram prostituere sinus:
 Dogma Professoris felix Academia sensit,
 Mors eidem cur nam parcere nolle adhuc?
 Presit iter famæ feliciter atque frequenter,
 Inter honorandos conditione mares,
 Eloquio triuit fluxam solerte iuuentam,
 Halicij labium Marte poliuuit iners.
Delicium suada, lingua decus, occidit, eheu,
 PETRICIVS, *Medica Doctor, Amorq; Scholæ.*
 Heu plañctum nimium, metris lachrymante Camæna,
 Lumina cum videant triste cadaver humi.
 Custodem Patriæ, flagrantis pectoris ardor
 Sustulit è viuis, in sua fata trahens:
 Indole Magnus erat, millenâ magnus & arte,
 Consilio magnus, Magnus honore graui;
 Palladium teneris humorem, quam bene labris
 Haufit, & Aonijs exta repleuit aquis.


Historiæ dulci manantes gurgite, riuos
Traxit, in Augustas laude scatente domos
Roscida nocturnæ Maio fors cornua Lunæ,
Adnituere tuo: Vir memorande, thoro;
Dimidium Titan cursu peragrauit iterque,
Quam citus Eoo cœpit ab Orbe diem.
Furtiuo, metuenda gradu, pede presit iniquo
Dulciloqui labij trux Libytina genas:
Inde Melampus, item Podalirius, atq; Machaon,
Ingeminant gemitus voce dolente graues.
Non siccas Auicenna genas hinc pertulit inde,
Cum querulum tristi murmur ab ore daret,
Delicium suada, lingua decus, occidit, eheu,
PETRICIVS, Medica Doctor, Amorq; Scholæ.
Pyramidas docto summos Ægyptia Memphis
Erigat, Astrigerum fine terente polum,
Mausolea struat Cariæ Regina superbè,
Et cumulet meritum, ceu lubet illa virum;
Virtutum referat dignè sua præmia vita,
Quæ nimium cunctis fat meruisse sciit.
Non virtutis eum (laus est) obliuio cœpit,
Confecisse pio tot benefacta modo.
Forma, vigorque, grauem decuit Doctoris honorem,
Extulit, & factis nomina digna suis
Humanum natura fatis super hospite fecit,
Alloquio facilem, sic foris, atque domi,
Debita quemq; domus dotauit cura gerenda,
Attaliciis gazis, diuitisque Midæ

Instituit castè carissima pignora tectis,
Moribus edocuit satque superque bonis:
Atrior ergo dies nigro carbone notanda,
Quâ potuit doctum surripuisse patrem,
Tristis adest, diram deplorans nenia mortem,
Cui generosus Eques nemo resistet humi.
Delicium suada, lingua decus, occidit, eheu,
PETRICIVS, *Medica Doctor, Amorq; Schola;*
Hesperium plenè Cælum, germanaque regna,
Imperio visens sede patente plagas;
Aëreas peregrè fausto pede transtulit Alpes,
Ausonium gratè perspatiando locum:
Vnde Viro magni stetit experientia rerum,
Nec leue iudicij pondus adesse quijt,
Officio cuius curandi semper in Vrbe,
Destituit vnquam pharmacopœa frui.
Curia prudenti regnavit Consule, felix
Exedra discursu semper honesta stetit.
Consus, Apollo, Melampus, eundem iure probabant,
Iustitiæ magnam dans vigil Argus opem:
Numnè Dijque, Deæque, probati morte Magistri,
Planctibus audebunt tristia signa dare.
Iuppiter Astritenens fulmen, bona Iunoq; sceptrum,
Et radios Phoebus fronte nitente regent:
Ægida Pallas apes mittet, Rhea, Marsq; Sarissam,
Mercurius virgam, Flora iacitq; rosas;
Ianus item seras, calamos Pan, postq; Tridentem
Neptunus, rabidi ac Æolus antra Nothi,

Iudicio

Iudicio Consul ; Præceptor dogmate, Doctor
Collirio præsens incola sede fuit.
Dignus erat metris, celebrandus carmine semper,
Aurea virtutum merx cui corde fuit.
Dædala Porphirijs statuam cui pegmata fulcris,
Sandapilas auro cinxero namque graui:
De Clario sculpam fabrefactum marmore Cyppum,
Phidiacâ plusquàm Mentoreâq; manu,
Christe reduc animam defuncti tramite Coeli,
Da quoque pacatum viuere pace Virum.





FLEBILES VITÆ FASTI.

IOANNES

Nomen habere, decus censetur grande IOANNIS,
 Pluribus vt Diuis, nomen idemq; placet.
 Orbe secutus eras Diuum quemcunq; Ioannem,
 Te Baptista sequi poscet ad vsque polos.

INNOCENTIVS

Noxia cur Libitina ferox non tela retundis,
 Traijcis ast mitis pectus inerme Viri:
 Nomen id Innocui, meruit defunctus in Orbe
 INNOCVVS, nocuus si fuit Vrbe cui.

PETRICIVS.

PETRICIVM Ciues plorant, Vrbs luget, Athenæ
 Artidocæ mærent, Curia deflet adhæc.
 Nescit Cræciadum celebrandus in Vrbe Senatus,
 PETRICIVM nè fleant, Patricium nè magis.

Idem.

Mors bona PETRICIO, credo, plerumque fauebat,
 Nominis vt sensum rescijt esse bonum.
 PETRICIO fauet, hem, Cœlestis ianitor Aulæ,
 Supplici qui Petrum fouerat ore ciens.

B

Adici.

Medicina Doctor.

Credere suppetias Epidaurus in Vrbe Quirinâ
Præstitit immanis Doctor, vt anguis erat
Sæuities multos medicauit summa colubri,
Sanauit plures Doctor amore Dei.

Prof. ssor publicus.

Mathiolum multis profitendo probauit in herbis,
Interius vires, quas habuisse sciit:
Vis Olidis, virtusq; probata, patebat in herbis,
In verbis virtus numnè probata fuit.

Historiographus.

Lacteus vrbe fuit Liuius memorandus at olim,
Historiæ prudens Doctor, amandus erat:
Romanos cecinit fastos, moresq; vetustos,
Sunt noua Romanis, facta Polona viris.

Consul Craconiensis.

Inclyta sub prudenti, Cracia, Consule vixit,
Viuerè plus sineret, si Libitina virum,
Æquus erat iudex recti, legisque peritus,
Horruit, at rerum perdere lege reum.

Vltima Maij,

Sub Medicinalis carissima tempora Maij,
Spiritus INNOCVI carne recessit heri;

Præscri-

Præscripto siquidem finiri pharmaca Mense,
Antidotis fieri destitit ægerhumi.

Mediâ die,

Furis ad instar adest mors, vox sacra narrat aperte,
Sic ex insidijs nocte silente rapit:
Corporibus mortem, Doctor, fore nouerat ægris,
Hanc mediâ petijt nosse vel ipse die.

Mortuus est.

Febris acuta maligno torruit ossa labore,
Ardenti motum febre calorq; tulit:
Mortuus in supero tuto requiescat Olympo,
Prægrauibus causis vix requieuit humi.



Sub felicibus auspicijs

Perillustri Adm: Reuerendi & Magnifici
Domini,

D. IACOBI NAYMANOWICZ,
I.V.D. & Professoris, Canon: Crac:
Archidia: Pilecen: &c. Vniuer-
sitatis Crac: vigilantissimi
RECTORIS.



